

buom ni yn mwynhau ein brech-  
dannau, a chresion a sudd oren a  
choffi ac yr oedd yn lle del-  
frydol yn yr haul. Oddi yna  
i Groes Cwrlwys i ganolfan HTV  
Cymru a chael croeso cynnes gan  
Mr David Meredith, a'i  
ysgrifenyddes. Cawsom ein tywys  
o gwmpas i weld y gwahanol  
ystafelloedd-gwisgo coluro a'r  
ddwy stiwdio. Diddorol iawn  
oedd cael eistedd fel rhan o  
gynulleidfa yn y stiwdio, a  
deall mai oddi yno roedd  
rhaglenni fel "Cyfle" yn cael eu  
darlledu bob nos Sadwrn.

Teimlwn yn ddiolchgar iawn am y  
fath groeso i ni gyd yng  
Nghanolfan HTV.

I Gaerdydd wedyn i'r Amgueddfa  
Genedlaethol i weld y casgliad  
o'r Dinosoriaid Tsineaidd  
rhyfeddol iawn. Yr oeddynt  
wedi eu trefnu yn rhyfedd ac  
atyniadol ac yn gwneud i ni synnu  
a rhyfeddu. Roedd hon yn  
olygfa gwerth ei gweld, ac nid  
anhofiwn amdani chwaith. Dych-  
welwyd adref ar 'hyd ffordd arall'  
ac aros am sglodion yn Rhaeadr  
cyn dychwelyd i ardal Trefeurig.